



Broj: 02-50-1-16-6/07

Sarajevo: 29.6.2007. godina

ZAPISNIK

6. sjednice Doma naroda Parlamentarne skupštine Bosne i Hercegovine, održane 29. juna 2007.godine

Sjednica je počela u 10 sati.

Sjednicom je predsjedavao Ilija Filipović, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 12 delegata.

Delegati: Hilmo Neimarlija, Zoran Koprivica i Alma Čolo opravdali su izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Nakon rasprave u kojoj su učestvovali: Slobodan Šaraba, Hazim Rančić, Dušanka Majkić, Sulejman Tihić, Mladen Ivanić, Drago Ljubičić i Ilija Filipović, usvojen je sljedeći izmijenjeni i dopunjeni

DNEVNI RED

1. Odgovori na delegatska pitanja i delegatska pitanja;
2. Usvajanje Zapisnika 5. sjednice Doma naroda;
3. Prijedlog zakona o izmjeni Zakona o službi u Oružanim snagama BiH (prvo čitanje);
4. Izvještaj Predsjedništva BiH o donesenim odlukama o pomilovanju za 2006. godinu;
5. Godišnji izvještaj Visokog sudskog i tužilačkog vijeća BiH;
6. Izvještaj o poslovanju Ureda za reviziju institucija BiH za 2006. godinu;
7. Izvještaj Ad hoc komisije o ispitivanju opravdanosti podnesenih prigovora na utvrđenu rang-listu za izbor generalnog revizora i zamjenika generalnog revizora u Uredu za reviziju institucija BiH;
8. Davanje saglasnosti za ratifikaciju Sporazuma o vojnom grantu između Vijeća ministara BiH i Vlade Republike Turske i Implementacionog protokola koji se odnosi na finansijsku pomoć između Ministarstva odbrane BiH i Generalštaba Republike Turske;
9. Davanje saglasnosti za ratifikaciju Sporazuma između Bosne i Hercegovine i Sjevernoatlantske ugovorne organizacije (NATO-a) o sigurnosti informacija;
10. Davanje saglasnosti za ratifikaciju Sporazuma između Vijeća ministara BiH i Vlade Republike Slovenije o saradnji na polju odbrane;
11. Davanje saglasnosti za ratifikaciju Sporazuma o uspostavljanju željezničke mreže velikih mogućnosti u jugoistočnoj Evropi;
12. Davanje saglasnosti za ratifikaciju Sporazuma između Vijeća ministara BiH i Vijeća ministara Srbije i Crne Gore o vraćanju i prihvatanju lica koja ne ispunjavaju, ili više ne ispunjavaju uslove za ulazak ili boravak na teritoriji druge države;

13. Davanje saglasnosti za ratifikaciju Konvencije za objedinjavanje određenih propisa u međunarodnom zračnom prijevozu;
14. Davanje saglasnosti za ratifikaciju Sporazuma između Vijeća ministara BiH i Vlade Republike Hrvatske o saradnji u nadzoru državne granice;
15. Davanje saglasnosti za ratifikaciju Privremenog ugovora o slobodnoj trgovini između Vijeća ministara BiH i Misije privremene uprave Ujedinjenih naroda na Kosovu;
16. Imenovanje tri delegata iz Doma naroda u Interresornu radnu grupu za pripremu teksta prijedloga zakona o izmjenama i dopunama zakona (Izbornog zakona BiH, Zakona o sukobu interesa u institucijama vlasti BiH i Zakona o finansiranju političkih stranaka);
17. Informacija o preduzetim aktivnostima s ciljem prevazilaženja problema u radu Ureda za razmatranje žalbi i eventualnih posljedica koje mogu nastati u radu Ureda za razmatranje žalbi primjenom pojedinih važećih propisa s prijedlogom zaključka;
18. Prijedlog odluke o osnivanju i djelokrugu međuparlamentarnih grupa prijateljstva Parlamentarne skupštine BiH za bilateralnu saradnju s parlamentarnim tijelima drugih zemalja;
19. Prijedlog pravilnika o međunarodnim aktivnostima PSBiH;
20. Orijentacioni radni plan Doma naroda za period juni-decembar 2007. godine;
21. Razmatranje tromjesečnog finansijskog izvještaja Ureda za reviziju institucija BiH za 2007. godinu;
22. Razmatranje informacije o održanom sastanku s predstavnicima Svjetske banke;
23. Davanje saglasnosti za ratifikaciju Osnovnog ugovora između Bosne i Hercegovine i Svete Stolice i Dodatnog protokola na Osnovni ugovor.

Nakon rasprave o dnevnom redu, Dom naroda je usvojio zaključak kojim se obavezuje Vijeće ministara BiH kao i drugi predlagači zakona, da obavezno prisustvuju sjednicama Doma naroda, u skladu sa članom 166. a u vezi sa članom 164.c Poslovnika Doma naroda Parlamentarne skupštine BiH.

Ad-1. Odgovori na delegatska pitanja i delegatska pitanja

Odgovore na delegatska pitanja, postavljena na 5. sjednici Doma naroda, dobio je Ivo Miro Jović.

Delegat Božo Rajić postavio je sljedeća pitanja Vijeću ministara BiH:

1. Po kojem općem aktu se vrši prijem zaposlenika?
2. Ko vrši prijem?
3. Kako je osigurana javnost postupka i dostupnost pod istim uslovima svim zainteresiranim?
4. Koliko je novoprimljenih u 2007. godini?
5. Kakva je nacionalna struktura novoprimljenih?
6. Kakva je nacionalna struktura ukupno zaposlenih u Generalnom sekretarijatu Vijeća ministara BiH?

Obrazloženje:

Poznato je da slijedi preseljenje Vijeća ministara BiH i drugih institucija BiH u obnovljenu zgradu u susjedstvu Parlamenta. Neke informacije govore da se vrši intezivni prijem svih kategorija zaposlenika za potrebe onih koji će biti smješteni u toj zgradi. Postoji sumnja da se prijem ne vrši u skladu s propisima i da ne osigurava primjerenu nacionalnu strukturu u ukupnom broju novoprimljenih.

Delegat Dušanka Majkić postavila je sljedeće pitanje Vijeću ministara BiH:

Molim Vijeće ministara BiH da mi odgovori kada će organizirati jedinstvenu evidenciju svih mandata koja bi, pored ostalog, sadržavala vrijeme imenovanja i isteka mandata funkcionera u institucijama BiH?

Obrazloženje:

Izvještajima o reviziji institucija BiH za 2005. godinu, koje je sačinio Ured za reviziju, utvrđeno je da kod jednog broja budžetskih korisnika nije riješeno pitanje imenovanja rukovodstva, bilo da su mandati istekli, bilo da nije dosljedno poštovana procedura prilikom imenovanja.

To bi omogućilo da se ne samo na vrijeme pokrene procedura novih imenovanja, nego i izbjegne praksa tehničkih mandata, v.d. i drugih privremenih rješenja koja ne doprinose efikasnom radu institucija BiH.

Delegat Slobodan Šaraba postavio je sljedeće pitanje Vijeću ministara BiH:

1. Da li je i šta Ministarstvo vanjskih poslova potpisalo na regionalnoj konferenciji u Neumu, 27. i 28. aprila 2007. godine, a posebno u vezi s korištenjem prirodnih resursa?

Obrazloženje:

U Neumu je, 27. i 28. aprila, organizirana regionalna konferencija, posvećena saradnji na tromeđi Bosne i Hercegovine, Crne Gore i Hrvatske. Prema najavama, na skupu je trebalo da se ministri vanjskih poslova ove tri zemlje usaglase o načinu upravljanja prirodnim resursima na ovom području.

Budući da je, između ostalog, voda jedan od najznačajnijih resursa, ako ne i najznačajniji na ovom području, očekivao sam da će Ministarstvo vanjskih poslova obavijestiti Parlamentarnu skupštinu BiH o ovom skupu, na kome bi pojedine komisije, po mom mišljenju, itekako imale potrebu učestvovati.

Kako se to nije desilo, a u medijima su bila veoma uopćena saopćenja, postavljam navedeno pitanje u uvjerenju da će se u narednom periodu na ovakvima konferencijama pojaviti kao učesnici i poslanici u Parlamentarnoj skupštini BiH.

2. Da li Ministarstvo vanjskih poslova ima informaciju da li će i kada granični prijelaz Ivanica dobiti status robnog prijelaza?

Obrazloženje:

Granični prijelaz Ivanica spada u red izuzetno frekventnih prijelaza u ovom ljetnom periodu, a i tokom cijele godine s obzirom na blizinu Dubrovnika, te je njegov značaj za ovaj dio Bosne i Hercegovine i Republike Srpske izuzetno veliki.

Republika Hrvatska i dalje ovaj prijelaz tretira kao putnički, mada je bilo više najava da će biti pretvoren u robni prijelaz, što bi, u privrednom i životnom smislu, imalo veliki značaj za ovaj kraj.

Ad-2. Usvajanje Zapisnika 5. sjednice Doma naroda

Zapisnik 5. sjednice Doma naroda usvojen je jednoglasno.

Ad-3. Prijedlog zakona o izmjeni Zakona o službi u Oružanim snagama BiH (prvo čitanje)

U raspravi o ovoj tački dnevnog reda učestvovali su Dušanka Majkić i Drago Ljubičić.

Dom naroda usvojio je u oba čitanja Prijedlog zakona o izmjeni Zakona o službi u Oružanim snagama BiH. Zakon je usvojen u identičnom tekstu kao i u Predstavničkom domu.

Ad-4. Izvještaj Predsjedništva BiH o donesenim odlukama o pomilovanju za 2006. godinu

U raspravi o ovoj tački dnevnog reda učestvovali su: Slobodan Šaraba, Dušanka Majkić, Sulejman Tihić i Rudo Vidović.

Dom naroda primio je k znanju Izvještaj Predsjedništva BiH o donesenim odlukama o pomilovanju za 2006. godinu.

Ad-5. Godišnji izvještaj Visokog sudskog i tužilačkog vijeća BiH;

U raspravi o ovoj tački dnevnog reda učestvovali su Slobodan Šaraba i Hazim Rančić.

Dom naroda jednoglasno je usvojio Godišnji izvještaj Visokog sudskog i tužilačkog vijeća BiH sa sljedećim zaključcima:

1. Dom naroda konstatirao je da je Izvještaj metodološki i sadržajno dobro urađen te da može služiti kao osnova za daljnje korake, koje treba da preduzimaju ostali organi u reformi pravosuđa.
2. Dom naroda ukazuje na potrebu aktivnije saradnje s Visokim sudskim i tužilačkim vijećem BiH s ciljem jačanja uloge ovog vijeća kao odgovornog tijela u osiguranju principa nezavisnosti i odgovornosti pravosuđa u Bosni i Hercegovini.
3. Predlaže se da Visoko sudsko i tužilačko vijeće BiH, zajedno sa ostalim sudovima, preduzme dodatne aktivnosti na aktiviranju i provođenju procesa medijacije u BiH a da se to ne završava samo na pilot projektima u Sarajevu i Banjoj Luci.

Ad-6. Izvještaj o poslovanju Ureda za reviziju institucija BiH za 2006. godinu

U raspravi o ovoj tački dnevnog reda učestvovala je Dušanka Majkić.

Dom naroda jednoglasno je usvojio Izvještaj o poslovanju Ureda za reviziju institucija BiH za 2006. godinu sa sljedećim zaključcima:

1. Ured za reviziju institucija BiH dužan je Parlamentarnoj skupštini BiH dostavljati izvještaje u skladu s članom 6. Zakona o reviziji institucija BiH;
2. Dom naroda Parlamentarne skupštine BiH obavezuje Komisiju za finansije i budžet da, u skladu sa Zakonom o reviziji institucija BiH, a u saradnji s Komisijom za finansije i budžet Predstavničkog doma Parlamentarne skupštine BiH, osnuje komisiju koja će imenovati nezavisnu revizorsku kuću radi revizije godišnjih finansijskih izvještaja Ureda za reviziju institucija BiH;
3. Dom naroda Parlamentarne skupštine BiH obavezuje Komisiju za finansije i budžet da, u skladu sa Zakonom o reviziji institucija BiH, imenuje potkomisiju koja će izvršiti pregled završnog izvještaja Ureda za reviziju institucija BiH za 2006. godinu;
4. Dom naroda Parlamentarne skupštine BiH smatra da treba poboljšati obradu revizorskih izvještaja, a posebno negativnih i onih s rezervom, kroz aktivniju komunikaciju Komisije za finansije i budžet i Ureda za reviziju institucija BiH;
5. Dom naroda Parlamentarne skupštine BiH predlaže Uredu za reviziju institucija BiH da organizira obuku članova Komisije za finansije i budžet radi boljeg praćenja i analize revizorskih izvještaja.

Ad-7. Izvještaj Ad hoc komisije o ispitivanju opravdanosti podnesenih prigovora na utvrđenu rang-listu za izbor generalnog revizora i zamjenika generalnog revizora u Uredu za reviziju institucija BiH

U raspravi o ovoj tački dnevnog reda učestvovali su: Dušanka Majkić, Ivo Miro Jović i Drago Ljubičić.

Dom naroda je, u vezi s razmatranjem Izvještaja Ad hoc komisije o ispitivanju opravdanosti podnesenih prigovora na utvrđenu rang-listu za izbor generalnog revizora i zamjenika generalnog revizora Ureda za reviziju institucija BiH, jednoglasno usvojio Odluku kojom se poništava javni konkurs za izbor generalnog revizora i zamjenika generalnog revizora Ureda za reviziju institucija BiH, te imenuje nova komisija.

U novu Komisiju za izbor generalnog revizora i zamjenika generalnog revizora Ureda za reviziju institucija BiH iz Doma naroda izabrani su: Alma Čolo, Dušanka Majkić i Ivo Miro Jović.

Ad-8. Davanje saglasnosti za ratifikaciju Sporazuma o vojnom grantu između Vijeća ministara BiH i Vlade Republike Turske i Implementacionog protokola koji se odnosi na finansijsku pomoć između Ministarstva odbrane BiH i Generalštaba Republike Turske

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma o vojnom grantu između Vijeća ministara BiH i Vlade Republike Turske i Implementacionog protokola koji se odnosi na finansijsku pomoć između Ministarstva odbrane BiH i Generalštaba Republike Turske.

Ad-9. Davanje saglasnosti za ratifikaciju Sporazuma između Bosne i Hercegovine i Sjevernoatlantske ugovorne organizacije (NATO-a) o sigurnosti informacija

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Sjevernoatlantske ugovorne organizacije (NATO-a) o sigurnosti informacija.

Ad-10. Davanje saglasnosti za ratifikaciju Sporazuma između Vijeća ministara BiH i Vlade Republike Slovenije o saradnji na polju odbrane

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Vijeća ministara BiH i Vlade Republike Slovenije o saradnji na polju odbrane.

Ad- 11. Davanje saglasnosti za ratifikaciju Sporazuma o uspostavljanju željezničke mreže velikih mogućnosti u jugoistočnoj Evropi

U raspravi o ovoj tački dnevnog reda učestvovao je Adem Ibrahimpašić.

Dom naroda jednoglasno je dao saglasnost za ratifikaciju Sporazuma o uspostavljanju željezničke mreže velikih mogućnosti u jugoistočnoj Evropi uz sljedeći zaključak:

Obavezuje se nadležno ministarstvo da ispita i pokrene izmjene ovog sporazuma radi uvrštavanja Unske pruge u željezničku mrežu velikih mogućnosti jugoistočne Evrope, s ciljem spajanja srednjeadranske luke s pomenutom mrežom i budućeg kvalitetnog servisiranja potreba privrede sjeverozapadne Bosne.

Ad-12. Davanje saglasnosti za ratifikaciju Sporazuma između Vijeća ministara BiH i Vijeća ministara Srbije i Crne Gore o vraćanju i prihvatanju lica koja ne ispunjavaju, ili više ne ispunjavaju uslove za ulazak ili boravak na teritoriji druge države

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Vijeća ministara BiH i Vijeća ministara Srbije i Crne Gore o vraćanju i prihvatanju lica koja ne ispunjavaju, ili više ne ispunjavaju uslove za ulazak ili boravak na teritoriji druge države.

Ad-13. Davanje saglasnosti za ratifikaciju Konvencije za objedinjavanje određenih propisa u međunarodnom zračnom prijevozu

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Konvencije za objedinjavanje određenih propisa u međunarodnom zračnom prijevozu.

Ad- 14. Davanje saglasnosti za ratifikaciju Sporazuma između Vijeća ministara BiH i Vlade Republike Hrvatske o saradnji u nadzoru državne granice

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Vijeća ministara BiH i Vlade Republike Hrvatske o saradnji u nadzoru državne granice.

Ad- 15. Davanje saglasnosti za ratifikaciju Privremenog ugovora o slobodnoj trgovini između Vijeća ministara BiH i Misije privremene uprave Ujedinjenih naroda na Kosovu

U raspravi o ovoj tački dnevnog reda učestvovali su Slobodan Šaraba i Sabrija Šerifović, predstavnik predlagača.

Dom naroda je većinom glasova dao saglasnost za ratifikaciju Privremenog ugovora o slobodnoj trgovini između Vijeća ministara BiH i Misije privremene uprave Ujedinjenih naroda na Kosovu.

Ad- 16. Imenovanje tri delegata iz Doma naroda u Interresornu radnu grupu za pripremu teksta prijedloga zakona o izmjenama i dopunama zakona (Izbornog zakona BiH, Zakona o sukobu interesa u institucijama vlasti BiH i Zakona o finansiranju političkih stranaka)

Rasprava o ovoj tački dnevnog reda nije vođena.

Dom naroda izabrao je Almu Čolo, Iliju Filipovića i Mladena Ivanića u Interresornu radnu grupu za pripremu teksta prijedloga zakona o izmjenama i dopunama Izbornog zakona BiH, Zakona o sukobu interesa u institucijama vlasti BiH i Zakona o finansiranju političkih stranaka.

Ad-17. Informacija o preduzetim aktivnostima s ciljem prevazilaženja problema u radu Ureda za razmatranje žalbi i eventualnih posljedica koje mogu nastati u radu Ureda za razmatranje žalbi primjenom pojedinih važećih propisa s prijedlogom zaključka

U raspravi o ovoj tački dnevnog reda učestvovala je Dušanka Majkić.

Dom naroda primio je k znanju Informaciju o preduzetim aktivnostima s ciljem prevazilaženja problema u radu Ureda za razmatranje žalbi i eventualnih posljedica koje mogu nastati u radu Ureda za razmatranje žalbi primjenom pojedinih važećih propisa sa sljedećim zaključkom:

1. S obzirom na neefikasnost Zakona o javnim nabavkama BiH, obavezuje se Ured za razmatranje žalbi da u roku od 15 dana od dana prijema ovog zaključka, zajedno s Agencijom za javne nabavke BiH, sačini konkretan prijedlog mjera za prevazilaženje problema u radu Ureda za razmatranje žalbi.
2. Obavezuje se Agencija za javne nabavke BiH i Ured za razmatranje žalbi da u roku od sedam dana od dana prijema ovog zaključka sačine analizu Prijedloga izmjena Zakona o izmjenama i dopunama Zakona o javnim nabavkama BiH, koje je Vijeće ministara BiH 14.6.2007. godine dostavilo u parlamentarnu proceduru, i da na osnovu toga predlože eventualna poboljšanja teksta navedenog prijedloga zakona.
3. Zadužuje se Vijeće ministara BiH da, u skladu sa Zakonom o javnim nabavkama BiH, preduzme sve aktivnosti na popunjavanju radnih mjesta u Uredu za razmatranje žalbi.

4. Traži se od menadžmenta Ureda za razmatranje žalbi da u roku od sedam dana od dana prijema ovog zaključka sačini i dostavi Domu naroda informaciju o preduzetim aktivnostima na prevazilaženju problema u radu Ureda za razmatranje žalbi i plan mjera za prevazilaženje organizacionih problema.
5. Obavezuje se Ured za razmatranje žalbi da u roku od 30 dana od dana prijema ovog zaključka sačini plan mjera za rješavanje žalbi i dostavi ga Domu naroda.

Ad-18. Prijedlog odluke o osnivanju i djelokrugu međuparlamentarnih grupa prijateljstva Parlamentarne skupštine BiH za bilateralnu saradnju s parlamentarnim tijelima drugih zemalja

Rasprava o ovoj tački dnevnog reda nije vođena.

Dom naroda jednoglasno je usvojio Prijedlog odluke o osnivanju i djelokrugu međuparlamentarnih grupa prijateljstva Parlamentarne skupštine BiH za bilateralnu saradnju s parlamentarnim tijelima drugih zemalja.

Ad- 19. Prijedlog pravilnika o međunarodnim aktivnostima PSBiH

U raspravi o ovoj tački dnevnog reda učestvovala je Dušanka Majkić.

Dom naroda potvrdio je Prijedlog pravilnika o međunarodnim aktivnostima PSBiH.

Ad- 20. Orijentacioni radni plan Doma naroda za period juni-decembar 2007. godine

Rasprava o ovoj tački dnevnog reda nije vođena.

Dom naroda primio je k znanju Orijentacioni radni plan Doma naroda za period juni-decembar 2007. godine.

Ad- 21. Razmatranje tromjesečnog finansijskog izvještaja Ureda za reviziju institucija BiH za 2007. godinu

U raspravi o ovoj tački dnevnog reda učestvovala je Dušanka Majkić.

Dom naroda jednoglasno je usvojio tromjesečni finansijski izvještaj Ureda za reviziju institucija BiH za 2007. godinu sa sljedećim zaključcima:

1. U skladu s članom 6. stav (4) Zakona o reviziji institucija BiH, Komisija za finansije i budžet Doma naroda poziva Komisiju za finansije i budžet Predstavničkog doma Parlamentarne skupštine BiH da imenuje tri člana u komisiju za izbor nezavisne revizorske kuće za reviziju godišnjih finansijskih izvještaja Ureda za reviziju institucija BiH.
2. Iz Komisije za finansije i budžet Doma naroda imenovani su: Dušanka Majkić, Hazim Rančić i Božo Rajić.
3. Komisija iz stava (1) ovog zaključka imenovat će potkomisiju koja će, u skladu s članom 6. stavovi (5) i (6), izvršiti pregled Godišnjeg izvještaja o aktivnostima Ureda za reviziju institucija BiH.

Ad- 22. Razmatranje informacije o održanom sastanku s predstavnicima Svjetske banke

U raspravi o ovoj tački dnevnog reda učestvovala je Dušanka Majkić.

Dom naroda primio je k znanju informaciju o održanom sastanku s predstavnicima Svjetske banke i donio Odluku da se Prijedlog projekta izgradnje institucionalnih kapaciteta Parlamentarne skupštine BiH u upravljanju javnim finansijama, jačanju transparentnosti i finansijske odgovornosti institucija Bosne i Hercegovine uputi Vijeću ministara BiH kako bi se ugradio u prijedlog koji će Vijeće ministara BiH dostaviti Svjetskoj banci.

Ad- 23. Davanje saglasnosti za ratifikaciju Osnovnog ugovora između Bosne i Hercegovine i Svete Stolice i Dodatnog protokola na Osnovni ugovor

Dom naroda odgodio je izjašnjavanje o davanju saglasnosti za ratifikaciju Osnovnog ugovora između Bosne i Hercegovine i Svete Stolice i Dodatnog protokola na Osnovni ugovor za nastavak 6. sjednice Doma naroda.

Sjednica je prekinuta u 12,20 sati.

Nastavak 6. sjednice je počeo u 11,05 sati, 30 jula 2007.godine.

Na nastavku sjednici prisustvovalo je 13 delegata.

Delegati Branko Zrno i Rudo Vidović opravdali su izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Na nastavku sjednice razmatralo se:

Ad- 23. Davanje saglasnosti za ratifikaciju Osnovnog ugovora između Bosne i Hercegovine i Svete Stolice i Dodatnog protokola na Osnovni ugovor

U raspravi o ovoj tački dnevnog reda učestvovali su savjetnik predsjedavajućeg Predsjedništva BiH, Boris Tihi, Mladen Ivanić, Slobodan Šaraba i Ivo Miro Jović.

Dom naroda većinom glasova dao je saglasnost na Osnovni ugovor između Bosne i Hercegovine i Svete Stolice i Dodatnog protokola na Osnovni ugovor.

Sjednica je završena u 11,25 sati.

Sastavni dio ovog zapisnika je neautorizirani transkript nastavka 6. sjednice Doma naroda.

**v.d. SEKRETAR
DOMA NARODA**
Aljoša Čampara, s.r.

**PREDSJEDAVAJUĆI
DOMA NARODA**
Ilija Filipović, dipl.iur., s.r.